

# Alkitab Buat Bocah

## Nampilin

Allah Nguji  
Sayang  
Abraham



Nyeng nulis: Edward Hughes

Nyeng bikin gambar: Byron Unger; Lazarus  
Alastair Paterson

Nyeng nyocokin: M. Maillot; Tammy S.

Nyeng terjemahin: Matheus Nalih Ungin

Dibikin buat: Bible for Children  
[www.M1914.org](http://www.M1914.org)

©2023 Bible for Children, Inc.

Perijinan: Enté boleh ngegandain atau nyetak ini cerita,  
selama enté kagak ngejualnya.





Satu malam Tuhan ngasih  
satu perentah nyeng aneh  
buat Abraham. Perentah  
itu kaya ujian buat  
ngeliat apa iya Abraham  
sayang Ishak bocahnya  
lebih dari sayangnya  
sama Tuhan.



"Ambil anakmu Ishak, dan sesembahin dia jadi korban bakaran," Tuhan perentahkan. Sesembahin Ishak? Ngorbanin bocah lakinya? Perentah itu berat bangat buat Abraham. Dia sayang bangat ama bocahnya.



Tapi Abraham belajar buat yakin ama Tuhan meski pas waktu itu dia kaga ngarti maksud Tuhan. Paginya dia nyiapin diri buat pegih ke gunung sesembahan bareng sama

Ishak ama dua orang bujangnya.



Sebelon pegih, Abraham ngebelah kayu  
buat ngebakar korban sesembahan.  
Abraham punya niat buat  
nurut sama Tuhan.





Tiga ari mereka udah nyampe  
di deket gunung itu. "Netep di  
sini", Abraham bilang ama bujangnya.  
"Kami pengen pegih buat  
sembahyang, dan kami bakal  
balik lagi sama kamu."

Ishak ngebawa  
kayu-kayu bakar;  
sementara Abraham  
ngebawa api  
ama piso.





"Mana domba buat korban bakaran itu?" Ishak nanya.  
"Tuhan bakal nyediain domba itu bocahku,"  
Abraham ngejawab.

Mereka bedua nyampe di tempat nyeng dipilih ama Allah dewek. Di tempat itu, Abraham ngebangun sebuah meja sesembahan dan nyusun kayu-kayu buat ngebakar korban bakaran buat Tuhan.



Abraham udah ngebangun banyak meja sesembahan sebelonnya. Sebenarnya meja sesembahan nyeng satu ini jadi satu meja sesembahan nyeng dirasa berat banget buat Abraham untuk ngebangunnya.



Abraham ngebende Ishak dan naro bocah nyeng paling disayangnya di atas meja sesembahan. Apa iya Abraham bener-bener nurut sama Tuhan dan ngorbanin Ishak bocah atu-atunya nyeng paling dia sayangin?



A colorful illustration of the biblical scene of the sacrifice of Isaac. In the center, an elderly man with a long white beard and a red robe over a white shawl holds a large, gleaming silver knife high above his head. Below him, a young boy with dark hair lies face down on a rocky ground. The background features a bright blue sky with large, billowing grey clouds. In the foreground, there are green bushes and brown rocks. A small red heart is visible in the bottom right corner.

Iya! Piso  
blatinya nrelep  
pas Abraham  
ngangkatnya  
tinggi-tinggi.  
Atinya bisa jadi  
ancur, tapi  
Abraham tau  
dia kudu nurut  
sama Tuhan.

A colorful illustration depicting a scene from the Bible. In the center, an elderly man with a long white beard and a red shawl over his shoulders holds a large, gleaming sword. He is looking upwards with a serious expression. Below him, a small child lies on the ground. The background features a bright yellow sun-like shape, dark grey clouds, and green hills under a blue sky.

"Brenti",  
Malekat Tuhan  
tereak. "Sekarang  
Aku tau kalo kamu  
takut sama Tuhan.  
Kamu kaga kudu  
ngembaliin  
atu-atunya  
bocahmu  
kepadaKu."



Ngeliat seekor domba

laki di rerumputan, Abraham ngelepas iketan Ishak dan sesembahin domba laki itu jadi korban bakaran. Bisa jadi Ishak mikir, "Allah nyediain itu, kaya apa nyeng dibilang bapaku."



Pas bapa sama anak sembahyang, malekat Tuhan ngomong sama Abraham. "Berkat keturunanmu itu semua bangsa di bumi bakal dapet berkat, sebab kamu ngedengerin SabdaKu." Satu ari Yesus bakal dibranakin dari keturunan Abraham.



Abraham ama Ishak balik lagi ke rumah. Selang berapa lama, kesedihan dateng. Sarah mati. Abraham keilangan bininya ama Ishak keilangan emaknya.



Abis penguburan,  
Abraham ngirim kepala  
pembantunya buat nyariin  
seorang bini bagi Ishak.



Pembantu ini pegih ke tempat dimana mereka dibranakin buat nemuin seorang bini diantara sodara-sodara Abraham.



Si pembantu minta satu tanda sama Tuhan. "Seorang gadis nyeng ngasih minum onta-ontha ini nyeng Engkau tentuin buat Ishak." Mendadak dateng Ribka ngasih mereka aer minum. Dia itu anak sodara Abraham. Pembantu itu tau Tuhan ngejawab sembahyangnya.



Ribka pegih ninggalin keluarganya mao nikah sama Ishak. Dia ngehibur Ishak abis kematian emaknya.

Bukan maen sayangnya Ishak sama Ribka!



Allah Nguji Sayang Abraham

Sebuah cerita dari perkataannya Tuhan, Alkitab

Ditemuin di

Kejadian 22-24

"Palang pintu Firman Engkau ngasih terang."  
Mazmur 119:130





Tamat



Ini cerita Alkitab nyeng nyeritain kita soal Tuhan kita nyeng kerén, nyeng nyiptain kita ama pengen enté kenal Dia. Tuhan tau kita udah bikin hal-hal nyeng kaga bae, nyeng Dia sebut dosa. Hukuman dosa ya mati, tapi Tuhan sayang bangat sama enté, Dia ngirim anaknya nyeng atu-atunya, Yesus, biar mati disalib dan dihukum karna dosa enté semua. Lantas Yesus idup dan balik lagi ke rumahnya ke Sorga. Kalo emang enté yakin ama Yesus dan minta biar Di maafin dosa-dosa enté, Dia bakalan ngelakuinnya! Dia bakalan dateng dan idup di dalem enté ini ari, dan enté bakalan idup ama Dia selamanya.

Kalo enté yakin ini kebenerannya, sautin ini ke Tuhan: Ya Yesus, ané percaya kalo Engkau itu Tuhan, dan berubah jadi manusia buat mati karna dosa ané, dan sekarang Engkau idup lagi. Tulung dateng kedalem idup ané sama maafin dosa-dosa ané, biar ané punya idup nyeng baru ini ari, dan entar bakalan pegih sama Engkau selamanya. Tulungin ané biar bisa nurutin Engkau dan idup buat Engkau ama anak Engkau. Amin.

Bacain Alkitab dan ngomong ke Tuhan tiap ari! Yohanes 3:16

